

Teksty Stela - odcinek 1

Data publikacji: 24.12.2020 21:00

"Teksty Stela" to nowy cykl na naszym portalu. W każdym odcinku będziemy prezentować tekst stela i rozmawiać o nim. Dziś wyjątkowo Dorota Kohut i Jacek Porzycki wiedzą, jaki tekst będą czytać. W następnych odcinkach będzie to dla nich niespodzianka. Zachęcamy Państwa do nadsyłania różnych tekstów pisanych naszą gwarą. Może to być wiersz, fragment prozy, dowcip, a nawet instrukcja obsługi. Zapraszamy do obejrzenia pierwszego odcinka i przeczytania tekstu Tomasza Sochackiego.



youtube

Godni Świynta

Uż Mikołoj do chałupy przez kumin wjechoł,
Po cichu prezynta dzieckóm w miechu niechoł,
Ty, co były przeciwne łoskrabiny dostały,
A diobły jch po rzici różgami śmigwały,

Wiesiołe Godni Świynta do dwyrzi uż klupajóm,
Po chałupach szumne ozdoby a światełka migajóm,
Śniega uż przez noc kapke napadało,
Ale na bałwana fórt go je za mało,

Wczora eszcze był, dzisio go uż ni ma,
Mómy terazy wiosne, lebo je zima?
Starzik fórt spómino, jak to kiejsi było,
Na Wilijym śniega dycki nawaliło,

Dziecka s kopca na miechach wartko sie spuszczały,
Łod rana do wieczora w śniegu sie koltały,
Tacik se obuł bótki, do lasa zaś idzie,
Jak co roku strómek zaś do nas tu przidzie,

Trzeja go pięknie przistrojić szumnymi bómbkami,
Aniołami, lańcuchym aji bómbónami,
Wczas rano dziecka na roraty chodzóm s lampiónami,
Rzykajóm coby Aniołek prziszół s prezyntami...

We Wilijym wczas rano wszecy postowali,
Mama sóm w kuchni, a Tacik w masztali,
Wszecy cosi robióm, warzóm a schraniajóm,
Żodyn sie nie wadzi, raczy sie mijajóm,

Bo przeca jako dzisio, taki cały rok,
Tóz dowejmy pozór na każdy nasz krok...
Wieczór jak piyrso gwiozdka na niebie zamigo,
To wszecy uż wiedzóm, Wilija sie zbliżo,

Tacik s Mamóm rzykajóm, Starzik skłodo rynce
Bibljie czyto o Jezusie, Maryji, stajynce,
Po Wiliji opłatkym sie wszyjscy łómiymy,

Zdrowio, szczynścio każdemu s serca winszujemy,

Kolyndnicy, pasztuszkowie po chałupach už chodzóm,
Bómbónami, ciastkami jich ludzie nagrodzóm,
A óni winszujóm coby sie darziło, Mnorziło,
coby szczynści w każdej chałupie było,

Wszystkim Wóm też życzym Bożej Opatrzności, Szczynścio, zdrowio, i kupa wzajemnej miłości, Wiesiołych Godnich
Świónt!!!

Tomasz Sochacki